


03 NOIEMBRIE

**SLUJBA
SF. PREOT-
MUCENIC
COSMA
PETRICENKO
DE LA SARATOV**

MINEIUL-RU



Мѣсяца ноѣмврия в 3-й день

**Пáмьятъ совершаѣм иже во святыхъ отцá нашего
пресвѣтера Космы, священномученика Сарáтовского**

НА ВЕЛІЦЕЙ ВЕЧѢРНИ

**Блажѣн муж: пѣрвый антифѣн. На Гѣсподи,
воззвахъ: стихирѣы святому на 8, повторяюще я. Глас 4.**

Подобен: Свѣше зван быв:

Свѣше зван быв, / а не от человекъ званіе приим, /
оставил еси труды земледѣлания твоего, блаженне, / и на
ниву многотрудную человеческихъ сердецъ / в часъ вечерній
житія твоего потѣкл еси усердне, / яко в вертоградѣ
Гѣспода Твоего, / во еже дѣлати тыя и хранити, / и
многоплодны показати Владыце их, / отче Космо,
трудолюбнаго житія мѣрило.

Никтоже чести сам себѣ приѣмлет, / но званный от
Бѣга, якоже и Аарѣн, / тѣмже и ты, отче, не собою, / ниже
похотѣніемъ людскимъ, но призваніемъ божественнымъ / на
священное дѣлание изшел еси, / ни на почете, ниже пиры
или телесі уладу, / но на поприще сурѣваго и

терно́снаго житія́, / на нѣмже ра́дость еди́ная ты
срета́ше, / я́же веселі́т терпя́щія за Христа́.

Призыва́ше некогда́ Христо́с / от ры́барских мре́жей
ученики́ Своя́, / во е́же се́тию словѣсною наро́ды я́ко ры́бы
улови́ти, / и из глубины́ греха́ к Богопозна́нию
светоблестя́щу привле́щи, / и сим поспѣ́шество ловле́ния
благодáтию умножа́ше. / Та́кожде и ты ору́дия
притяжа́ния земна́го отложи́л еси́, / и в хра́ме Ры́бушки
села́ ловле́ние словѣсное проба́вил еси́, / уловля́ти у́бо
Христу́ не ры́бы, но сердца́.

Зван бы́сть свы́ше от о́вчих стад Дави́д, / го́рдая
безбо́жных филисти́млян низпровре́щи, / и тем наро́д от
Голиа́фовых хуле́ний заступі́ти, / и я́ко о́вцы упасти́ и
ограді́ти. / Те́мже и тебе́ на брань доведѣ́ся укрепі́ти
ру́це, / и ка́мением ве́ры безбо́жныя горды́ни сокруша́ти
лбы, / и мечѣм и по́сохом проповѣ́дания и моли́твы / во́лки
хи́щныя невхо́дны во огра́ду сотвори́ти, / в не́йже о́вцы
ста́да твоего́, Космо́, храня́ше.

Сла́ва, глас 6:

По имени твоему́ бысть и жити́е твоё, / о́тче Космо́
блаже́нне, / пёрвее бо себе́ благоче́стием украси́л еси́, / в
не́мже вси труды́ твоя́ соверше́ние при́ша, / по сих же
иере́йства восприя́л еси́ неизрече́нную добро́ту, / ю́же я́ко
не́ким украше́нием избра́нным, / страсоте́рпчества
венце́м наверху́ еси́, / и ны́не бра́ка достоле́пным
облаче́нием оде́ян, / Па́схи ве́чныя в го́рних
наслажда́ешься, / о́тче Космо́, красото́ церко́вная.

И ны́не, Богоро́дичен догма́тик, глас 6.

Вход. Прокі́мен. Чте́ния священномученика 3.

На литий стихи́ры свято́му, глас 1:

Боже́ственного снизхожде́ния / разуме́л еси́, о́тче,
та́инство, / ка́ко прэ́жде век Сы́й / на спасе́ние
привре́менных изыде, / и Со́лнце Пра́вды сни́де ко и́же во
тме сме́ртней се́дящим. / Чим возда́мы за облиста́ние
сла́вы Твоея́ в нас, Све́те Ті́хий, / ко́ей ли мздо́ю обря́щем
Тя себе́ неотлу́чна, / то́чию не а́ще себе́ самéх предадим

Тебѣ совершенною вѣрою, / оной же нам наставник
божественный Косма.

Никако же есть Дому Божию погибнути, / аще и
возстают нань преспевающии во злых, / обаче не возмогут
противитися Обетовавшему: / созижду Церковь Мою, и
врата ада не одолеют Ей. / Темже и ты, отче Космо,
немощная сих дерзости провидев, / сам себе яко камень
живо Христу предал еси, / да примет тя, якоже древле
Петрови, / исповедание твое во основание положив, / и на
сем церкви Русския стояние утверждая, / яже ныне
прославляет тя.

Креста проповеданию послужил еси, / не яко сам пути
Креста страшая, / но слову сочетал еси деяние, / и на
подвиг даже до смерти поспешал еси, / да верен
обращешися Емуже послужити призвался еси, / отче
Космо, послушания божественного образе. / Темже и
лучшее мира сего украшение избрал еси, / Крест Христов,
красоту и славу церковную, / егоже знамение на себе
носяще честно, / радуешься ныне нескончаемым
веселием.

Сла́ва, глас 5.

Подобен: Ра́дуйся:

Ра́дуйся, отце́в украше́ние, / иере́ю святы́й,
испове́днице до́брый, / ра́дуйся, Христо́ва Креста́
непосты́дный носите́лю, / и ста́ду, тобо́ю собра́нному,
усе́рдный рачите́лю, / ра́дуйся, богосло́вия и́стинную си́лу
изве́давый, / и му́ченическим венце́м си́е запечатле́вый. /
Моли́ за ны, о́тче свяще́нейший, / за оте́чество и род,
тебе возлю́бленный, / твои́ми бо моли́твами, о́тче, ча́ем /
улучи́ти от Христа́ мир и ве́лию ми́лость.

И ныне, Богородичен, глас 5.

На стиховне стихиры, глас 6.

Подобен: Все отложше:

Все отложи́вше / о земны́х раче́ниях помышле́ние, / от
поле́й и стад восте́кл еси́, / я́ко Моисе́й Вели́кий / и
богопросла́вленный святи́тель кипрский Спиридо́н / на
возде́лание нив душе́вных / и пасе́ние словесных овец. / И
сия́ творя́ волко́в не убо́ялся еси́ лю́тых нахожде́ний, / но
был еси́ па́стырь до́брый твои́м овца́м. / Те́мже ны́не
ублажа́ешься.

Стих: Священницы Твой облечутся правдою, / и преподобнии Твой возрадуются.

Все отложивше / умовредное о суетных художество, / не премудростию книжною, / не словес сшиванием лукавым афинейских, / не от сих, от еликих звездождатели гадаху, / ниже костей и тварей испытанием, / но от чистаго нелестнаго Слова Божия вниманием, / Егоже восприял еси в души твоей, блаженне, / и нашедшею на тя Духа Свята силою, / чистым сердцем Господа познаше.

Стих: Восхвалятся преподобнии во славе / и возрадуются на ложах своих.

Вся испытавше, / яже в мире мнятся многоценна, / нашёл еси едино на потребу, / егоже рачение подобно есть: / не брашна, ихже сладость изгнивает, / но Хлеб, с Небес сошедый и на Небо возводяй; / ни множества уханных возлияний, / но Крове многоценныя Христова / животное причастным приношение; / ни риз богатных лепота обманная, / но правды и святыни одеяние нетленное, / егоже священством прияв благочестно, / сохранил еси без порока.

Слава, глас 8:

Егда приспé Сúду Бóжию врéмя, / во éже разсудíти
средé людéй Свои́х: / áще обря́щется в наро́де рúсстем /
муж боя́йся Бóга и храня́й повелéния Егó, / и ин же
обрéтется в шу́иих кóзлицах злым мудровáнием, / другíй
же изблеван теплохлáдия ráди, / и пáки ин убоя́вся
сребродáрие скры. / О тебé же, óтче, испóлнихомся
весéлия, / я́ко воíстину бысть муж крéпкия бра́ни, / муж
оправдáний, Божéственная словеса́ храня́й, / ráдуйся,
Космо́, иере́е и мучени́че.

И ны́не, Богородичен, глас то́йже.

Тропа́рь, глас 4:

Исповéдания пра́вило показáся нам / жити́е твоё,
Космо́, иере́ю и мучени́че. / На скончáние взира́юще
течéния твоегó, / на земна́я небéсная не пременя́ти
поучáемся вéрою, / ю́же соблю́л еси́, óтче, отцéв красото́.

Ин тропа́рь, глас то́йже:

Благодáть священства в годы гонéний восприя́л еси́ /
и досто́инства иерéйского ничимже посрамил еси́, / ча́да
церковна́я научáя пребывáти в вёрности Христу́ Бóгу

на́шему, / Емúже да́же до кро́ве послужíл еси́, / от Него́же
и ве́нец му́ченический восприя́л еси́, / свяще́нномучениче
Космо́, о́тче наш, / помина́й нас с любóвию чту́щих
святу́ю па́мять твою́.

НА УТРЕНИ

**На Бо́г Господь: тропáрь свято́му два́жды. Сла́ва, И
ны́не, Богоро́дичен.**

По 1-м стихослóвию седа́лен, глас 6:

Святы́х му́ченик па́мять Це́ркве пра́зднество све́тлое
есть, / в час бо Тайн Христо́вых соверше́ния / лобыза́ются
земна́я и небéсная лобыза́нием ми́ра, / и сою́з любве́
нерасторжи́мый укрепля́ет ве́рных серде́ц, / а́нгелом и
челове́ком сотворя́я ра́дование, / насажда́ет же нас
грéшных в Себе́ Лоза́ Истинная, / в Не́йже ро́ждия
процвето́ша, со́нмы святы́х, / во Христé, Еди́нем Дре́ве
Живо́тнем.

И ны́не, Богоро́дичен, глас то́йже:

Богоро́дице, Хле́ба Живо́тнаго ни́во небéсная, / на
па́житех Сы́на Твоего́ препита́тися нам, мо́лим Ти ся, / да

не како в пустыни безводней страстей наших, /
благодатныя росы кроме / душепагубным знѡем
палительным изшем.

По 2-м стихословии седален, глас 2-й:

Звезда нам память твоя незаходямая, неподвижимая, /
отче Космо, священномучениче досточудне, / стези нам
светом своим озаряющая, / и пути незаблудныя
указующая, / на ню бо зряще, яко моределателие ладью
поверяем, / сердечныя наша помыслы, словеса и деяния, /
да в пристанище небурное окормимся недушеврѣдне, / тя
молитвенника неусыпна о нас стяжавше.

И ныне, Богородичен, глас тойже:

Возсия нам спасения свет Рождшимся от Тебѣ, / небо
другое утробу Твою содела умных светов начальный
Свет, / к Нему же взирающе, молим Тя, яко Бога нашего
Матерь, / да не зыдет от очию нашею просвещение
мысленное Вѣчнаго Живота.

Полиелей и величание священномученику.

По полиелѣи седален, глас 5:

Осуши нам путь немокрен Господень Крест, / посреде
мирския злобы огустевшая: / воспеваша лица мученик с
веселием: / сим бо шествующе, гонителей далече
отбегаем, / яко ад повержен, откровен бысть рай, / в-онь
же верою стяжахом извождение. / Трестаты гордыя
безбожием погублени глубиною, / яко смерть оружий
кованных крепчае: / чему служиша сии, тем и поражени
суть, / страсотерпцев же красна песнь победная, / ейже
общника Косму священнаго величаем.

И ныне, Богородичен, глас тойже:

Кий наречем храм Твой, Богородице; / пристанище ли
духовное; / или рай сладости небесныя, ходатайствен
жизни некончаемая; / вся бо имаши добрая, всегда молися
Христу, / спастися душам нашим.

**Степенна, 1-й антифон 4-го гласа. Прокимен, глас
4: Пройдохом сквозе огонь и воду, / и извел ны еси в
покой. Стих: Разжегл ны еси, якоже разжизается
сребро. Евангелие от Луки, зачало 67.**

По 50-м псалмѣ стихира, глас 6:

По имени твоему бысть и житие твоё, / отче Космо
блаженне, / первое бо себе благочестием украсил еси, / в
немже вси труды твоя совершение прияша, / по сих же
иерейства восприял еси неизреченную доброту, / юже яко
неким украшением избанным, / страсотерпчества
венцем наверхшил еси, / и ныне брака достолепным
облачением одян, / Пасхи вечныя в горних
наслаждаешься, / отче Космо, красото церковная.

Канон святому, глас 4, егже краегранесие: Косму
пою, иерея и мученика, отцев украшение.

Песнь 1

Ирмос: Отверзу уста моя / и наполнятся Духа, / и
слово отрыгну Царице Матери, / и явлюся, светло
торжествуя, / и воспою, радуясь, Тоя чудеса.

Космы память восхвалити, / иерейства красоту и
исповедания украшение, / разум даждь ми, Христе, / да
Тебе послуживша и за Тя пострадавшего прославлю.

Образ паствы неукорна и мамы ты, отче Космо, / в
делании бо сем изряден показался еси, / овцы стада твоего

собира́я и уча́, / за них же и живо́т свой положи́ти не отрѣ́клся еси́.

Сла́вы го́рния прича́тника соде́ла тя Госпо́дь, Космо́ му́чениче, / zde до́бре подвиза́вся за Сло́во Егó, / та́мо на Небесéх венце́м свѣ́тлым венча́ешься.

Богоро́дичен: Му́ченик ли́цы Тя основа́ние бы́ти вменя́ют, Де́во, по́двигу сих. / У Креста́ Ти стоя́щей, ору́жие про́йде Твою́ непоро́чную ду́шу, / Ю́же божѣ́ственная Любы́ от рожде́ства распали́.

Песнь 3

Ирмо́с: Твоя́ песносло́вцы, Богоро́дице, / живы́й и незави́стный исто́чнице, / лик себѣ́ совоку́пльшия, духо́вно утверди́, / в Божѣ́ственной Тво́ей сла́ве / венце́в сла́вы сподо́би.

Утверди́л еси́ ду́шу твою́ на ка́мени веростоя́тельном, / от мла́дых ногте́й в пра́вой ве́ре стоя́ти науче́н быв, / от не́яже и в ста́рости мастите́й не подвиѓлся еси́, Космо́ премудре́.

Пасы́й и тружда́йся я́ко патриа́рси от ю́ности твоея́, Космо́ пресви́тере, / пасти́ наро́ды жезло́м свяще́нства

призываешия промыслением божественным, / якоже
древле купиноглашением Моисей.

Отечества Небеснаго желая, / отечеству земному
спострадати не отверглся еси, отче Космо, / но бедствий
сего чашу купно пияше / веру и любовь свою не
оставльшим отцем.

Богородичен: Юнице чистая, Мати нескверная, /
скверну душ наших омой, отыми, / яко вси согрешаем
много от немощи и произволения, / но Ты, яко Благая,
пременения буди Ходатаица.

Седален, глас 6:

Иже Авраама на сечу царем укрепляше, / Иже
Навинови солнцем послушавый, Боже, / Моисеовы руке
воздеяннии на сокрушение Амалика укрепивый, / возвыси
и руке твои, в трудех и молениих состаревшии, / на
сокрушение Амаликовых внуков неправо ходящих, / и
руке твои в селениих горних не имут ослабнути.

Слава, и ныне, тойже:

Ева праматерь прещения плод принесе нам, / егоже
вкушением смерти и срама познание обретохом, / Дева же

ны́не спасе́ния плод израсти́, / живота́ и сла́вы вкуше́ние
произволя́ющим плодоприне́ши. / О сем торжеству́юще,
ка́ко Тя Ма́терь не нарече́м всем живу́щим, / Но́выя
Жи́зни нача́льную челове́ком.

Песнь 4

Ирмос: Седя́й в сла́ве на Престо́ле Божества́ / во
о́блаце ле́гце, / при́иде Иису́с Пребоже́ственный /
нетле́нною дла́нию и спасе́ зову́щия: / сла́ва, Христе́,
си́ле Твое́й.

Распя́таго за ны вы́ну в се́рдце твоём нося́
па́мятованием непреста́нным, о́тче Космо́, / страда́ния
путём восте́кл еси́ во свята́я нерукотворе́нная, / иде́же
пре́жде вни́де Христо́с, / ве́чныя кро́вы нам устроя́й.

Естества́ немо́щ, ниже́ лет преутружде́ние / к
телесному упоко́ению сове́тники не избра́л еси́, Космо́
терпели́ве, / о́баче ду́ха бо́дростию плóти дебелство́
отгоня́я, / на де́лание своё до ве́чера жи́зни поспеша́ше.

Яви́ся муж кре́пок ты, о́тче, / земли́ Сара́товстей
благослове́нное прозябе́ние, / пра́ведным в ве́ре стоя́нием

столп крѣпости ея созида́я, / да не подви́жится от
основа́ния И́стиннаго Живота́.

Богорóдичен: Иса́иа сла́вы Твоея́ гряду́щая, Де́во,
предзрѣнием ужасе́ся, / зна́мение спребыва́ния
Божѣственнаго лю́дем Сию́ полага́ет, / я́ко николи́же си́це
бысть в челове́цах, / е́же сей Де́вы ражда́ющая
чревоноше́ния плод несказу́ема Бо́га яви́.

Песнь 5

Ирмо́с: Ужасо́шася вся́ческая / о Божѣственной
сла́ве Твое́й, / Ты бо, Неискусобра́чная Де́во, / имела́
еси́ во утробе́ над все́ми Бо́га / и родила́ еси́ Безле́тнаго
Сы́на, / всем воспева́ющим Тя / мир подава́ющая.

Маккаве́и священнейшии крото́сть и страх для
Еди́наго Бо́га сохра́ньше, / на губя́щая Изра́иля до́бле
вооружи́шася, / ихже о́бразом и ты, о́тче, стúдныя
развратители́ ненаказу́емы зрѣти не восхотѣв, / ве́рныя на
противуста́ние сим сподвига́ше.

Уз утесне́ние темни́чных / у́зами благове́стия связа́нна
не сотвори́т несвобо́дна, / но́сит бо в се́рдцы и во устѣх /
ми́ру все́му необъимѣ́нное Сло́во.

Чести нетлѣнныя иерейства святаго / чрево богом
имущим не уступѣи, / аще и суемудрию своему общника тя
сотворѣти желаху, безумнии, / обаче растлѣти не
возмогша твердѣйшаго исповѣдника.

Богородичен: Елисаветино сладкое проглаблание
сбытсѣя, / имже благословляше Тя, Господа Матерь
истинную, / и ныне се вси роды человечести блажим Тя, /
яко херувим славнейшую.

Песнь 6

Ирмос: Божественное сие и всечестное /
совершающе празднество, / богомудрии, Богоматере, /
приидите, руками восплещим, / от Нея рождшагося
Бога славим.

Несть пременения в вѣце грядущем душам
боголюбцев, / Камене вѣры, Христа, не подвижутся, /
Егоже пред человеки исповѣдаша на земли, / Того
обретают пред ангелы небесное исповѣдание, / в нюдуже
достигнути поспешил еси, отче, / от вѣка сего премѣннаго.

Искушаеми, яко злато в горниле, / сребро чистое
принесостесѣя, святѣи, в сокровищницы небесныя, / с

ни́миже и до́брый Косма́ ны́не тала́нт причте́, / и́же в
души́ сво́ей испове́данием приумно́жи.

Космо́, о́тче свяще́ннейше, / ты победны́я му́ченик
ли́ки сво́ею победо́ю дости́гл еси́, / е́же есть ве́ра тво́я,
е́юже утвержда́шеся, / помози́ нам, грехо́м побежда́емым,
/ да не всу́е на ны́ и́мя Христо́во нарица́ется.

Богоро́дичен: А́нгелом пе́нии Тя велича́ющим /
челове́цы сподража́ти тща́тся, / а́ще и грéшни есмы́, /
немо́щное на́ше славосло́вие от серде́ц возно́симое не
пре́зри.

Конда́к, глас 2:

О́тче, о́тцев украше́ние, / вои́стину жити́е тво́е
укра́сися, Космо́, / и́стинной ве́ре послéдованием, / и да́же
до сме́рти испове́данием ея́.

Ико́с:

Тя, о́тче, моли́твенника земли́ на́шея позна́хом, / ея́же
и порождéние был еси́, / тобо́ю ны́не украша́ется и о тебе́
ра́дуется, / я́ко души́ твое́я красото́у Госпо́дь на све́щнице
церко́вном утверди́, / да све́т испове́дания твоего́ на ны́,
ча́да тво́я, возсия́ет, / и мрак уны́ния далéче отженéт / от

сердѣцъ благочестно почитающихъ подвиги и дела твоя, /
ихже ради с любовью вопиѣмъ ти: / Радуйся, отче Космо,
иерее и мучениче хвальный!

Песнь 7

Ирмос: Не послужиша твари, богомудрии / паче
Создавшего, / но огненное прещение мужески
поправше, / радовахуся, поюще: / препетый отецъ
Господь и Бог, благословен еси.

Цвѣты добродетелей носяще, / отселе горнихъ садовъ
ухание предвосхитил еси, / в сихъ же ныне яко крин
благоуханный, / присно радостию цветѣши
неизглаголанною.

Единою человецы умираютъ, аще душу без порока
соблюдутъ, / посему тело убивающихъ не бояться Слово
Божие глаголетъ, / и сему Косма мученикъ бысть
послушатель вернейший.

Враги человеку домашняя его злоба мира сего
содеваетъ, / сиче и тебе, отче, / горькое напоение от рукъ
ближнихъ и знаемыхъ твоихъ прияти Господь попусти, / еже
ты испил еси терпеливодушне.

Богорóдичен: У́тро мiрови возсия́ но́вое в Рождествé
Твоём, Преблагáя, / óчи слепым просвещáющее, / и
рáдости сердéчныя исполняющее, / я́ко взы́де Сóлнце
Правды Христóс Бог, / и не зáйдет вовéк, ниже́
помрачiтся iмать.

Песнь 8

Ирмóс: Óтроки благочестiвии в пещи́ / Рождество́
Богорóдичо спаслó есть, / тогда́ у́бо образúемое, / ны́не
же дéйствиемое, / вселéнную всю́ воздвизáет пéти Тебé:
/ Гóспода по́йте дела́ / и превозносите́ Егó во вся вéки.

Клáсы спéлыя рúце твоi пожина́ша, / егда́ зéмлю, от
нея́же я́ко всяк человек изы́де, воздéловаше, / и се я́ко
клас златый́ душа́ твоя́ восхи́щена бысть в житни́цу
Христóву, / и я́ко хлéбное приношéние на алтáрь
возложiся.

Рáдость печáли насле́дует в путéх непорóчных, / и
весéлия день но́щи обстоя́ний и тя́гот, / та́же и скóрби и
ра́ны полуно́щи жития́ твоегó, óтче Космó, / днём
несконча́емым преидóша в обiтелях Свéта.

Аще и подвиго́шася а́довы врата́ на Це́рковь Христо́ву, / мняще вотще́ в земли́ на́шей потреби́ти Ю, / не поколеба́шеся до́блй Косма́ иерей от Ка́мене Ве́ры, / и утверди́ ны вопи́ти: / отце́в и наш Бо́же, благослове́н еси́.

Богоро́дичен: Шедше, наро́ди, Горé святéй Бо́жией поклони́мся, / от Нея́же Спасéние нам нерукосе́чно изы́де / и мир Собо́ю исполни, Христос́ Бог, / отце́в и наш Бо́же, благослове́н еси́.

Песнь 9

Ирмо́с: Всяк земноро́дный / да взыгра́ется, Ду́хом просвещáем, / да торжествует же Безплóтных умóв естество́, / почита́ющее священное торжество́ Богома́тере, / и да вопи́ет: / ра́дуйся, Всеблаже́нная / Богоро́дице, Чи́стая Присноде́во.

Ева́нгельски на земли́ пожи́ти / сподо́би тя Христос́ Господь, óтче Космо́ му́дре, / лэ́ствицею за́поведей Его́ на Не́бо восхо́д сотвори́ти, / нището́ю духо́вною основáние положи́в, / ра́достию в поноше́ниях навершил еси́ блаже́нства.

Новаго страсотёрпца от со́нма вѣлія свѣтых срѣдник
на́ших / прославля́ем тя, о́тче, / обрето́х бо Госпо́дь тя
вѣрна во всех дѣлах твои́х, / я́же в До́му Его́ я́ко до́брый
слуга́ творя́ше, / живо́т свой о ча́дех церко́вных
полага́юще.

Изба́ви моли́твами твои́ми, о́тче Космо́, / ча́да твоѧ от
вся́кия лю́тости противобо́рца / и Ца́рствія Бо́жія ны
дове́ди, моля́щияся тебѣ те́пле, / да возмо́жем ловле́нія
лука́ваго избе́гнути / и ко́нечнаго осужде́нія
предста́тельством твои́м.

Богоро́дичен: **Е́**же соде́яхом зла́я, не помяни́ нам,
Благáя су́щи, / егда́ ду́ша на́ша разлуча́тися бу́дет
настоя́щего сегѡ жити́я, / не возгнуша́тися мо́лим Тя
на́шего недостѡинства, / а́ще и мно́го согреша́ем вси, /
бу́ди нам, Ма́ти, Засту́пница.

Свети́лен свято́му:

Свѣтлости жити́я твоего́ поучи́тися ду́шами и умы́
подвиза́ющесе, / просвеще́нія очесѣм на́шим серде́чным
взыску́ем / и коллúрием моли́тв твои́х исцеле́нія.

Сла́ва, и ны́не, Богоро́дичен:

Свѣтлую Царѣву Палату / и Черто́г Присносу́щнаго
Свѣта Тя ве́мы, Де́во Пресвѣтлая, / и отку́ду серафѣмскія
о́чи обря́щем, / во е́же воззре́ти к Тебе́.

**На хвалі́тех ста́вим стихі́ры со стихо́вны, на 4,
повторя́юще 1-ю. Глас 6.**

Сла́ва, глас 8: Егда́ приспе́ Суду́ Бо́жию вре́мя.

И ны́не, Богоро́дичен:

Влады́чице, приими́ моли́твы раб Твои́х, / и изба́ви
нас, / от всякія ну́жды и печа́ли.

**Славосло́вие вели́кое. Тропа́рь свято́му. Сла́ва, И
ны́не: Богоро́дичен. И отпу́ст.**

НА ЛИТУРГІИ

**Блаже́нны от канона́ свята́го, песнь 3-я на 4 и 6-я
на 4.**

**Проки́мен: Честна́ пред Го́сподем / смерть
преподобных Егó.**

Стих: Что возда́м Го́сподеви о всех, / я́же воздаде́ ми.

Апо́стол ко Евре́ем, зача́ло 334. Аллилу́ия, глас 2:
Свяще́нницы Твои́ облеку́тся в пра́вду, и преподо́бнии Твои́ возра́дуются.

Стих: Блаже́н муж, боя́йся Го́спода, в за́поведех Его́ восхо́щет зело́.

Ева́нгелие от Ио́анна, зача́ло 36.

Прича́стен: В па́мьть ве́чную бу́дет пра́ведник.